



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

93. Die Königin von Dänemark schreibt der Herzogin von Mecklenburg
wegen ihrer Ansprüche an den Kurfürsten, am 17. September 1478.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

Worumme bidden wy fruntliken iuwe leue, vns nicht willen auergeuen, men by vnser hulpe bliuen vnde bystant doen, wente iuwe leue vnde vnser beyder heren redere, manne vnde stede scholen vnser to rechte wol mechtich wesen, willent ock wedder vmme iuwe leue fruntliken gerne wedderumme vordenen. Datum Gnoyen, amme mandaghe na Luce, anno domini etc. LXXVII, vnder vnnser eynes ingesegele.

Albrecht, Magnus vnde Baltazar,
herzogen thu Mekelnburg, fursten to Wendenn
vnde greuen thu Swerin, Rostock vnde Stargarde etc.
der lande herenn.

Den hochgebarenn furstenn, vnnfenn leuenn
ohmenn, herenn Johann, marggrauen thu
Brandenborch, tho Stettin, Pomeran etc.
hertoghen, burchgreuen thu Norenberghe vnde
fursten to Rugen.

Lisch, Mecklenburger Urkunden-Sammlung IV, 39, die auch die übrigen Actenstücke über diese Streitigkeit enthält.

93. Die Königin von Dänemark schreibt der Herzogin von Mecklenburg wegen ihrer Ansprüche an den Kurfürsten, am 17. September 1478.

Dorothea, van godes gnaden to Dennemarcken, Sweden, Norwegen etc. koniginne, hartoginne to Sleszwügk, Ock to holsten, Stormaren vnde der dytmarschen hartoginne, to oldenborg vnde delmenhorst greuinne etc.

Vnnfen fruntliken grut vnde wes wy meher leues vnde gudes vermogen mit angebornner leue touornn, hochgeborne furstinne, bezunder leue Suftere. So Juw denne wol vordencket, wodane wyfz wy vmmetrent Seuen iar vorleden, als wy mit Juw vnde meher vnser heren vnde frunden tor wilfzenack weren den hochgeboren fursten, heren albrechte, marggreuen to Brandenburg etc., vnnfze leuen vedderen, vmme vnnfe vederlicke vnde moderlike erue vnde vnnfe medegiffit etc. anlangeden, Des he vns dosulueft vor vnnferm gnedigesten leuen heren vnde gemahela, Juw vnde vnnfen leuen ohmen, heren mangnufze, Juwer leuen sone, vnde heren Johann to Saffzen etc. hartogen, als vnnfer beider schedesheren, derhaluen muntliken tofede, vns na Juwer Irkantnisse zu fruntfchop effte rechte to donde, wes he vns plichtich were, Des wy doch beth her tho nicht hebben mogen bedygen. Worvmme hebben wy nw vnfen obgnanten heren vnde gemahel vnde vnse erbenanten ohme heren mangnufze muntlik gebeden vnde ock deme gnanten heren Johann to Saffzen etc. mit vnnfen schriften dergeliken angelanget, eyn sodant an vnnfen gnanten

lenen vedderen touerschriuede. Wy senden Juw hir Inne befloten eyne Copien, als se alle vnde eyn jewelick besunderen an ene schriuede werden, Bidden wy gantz fruntliken Juwe leue na der sulfften wyse ock an ene schriuen willen, vppe dat wy sodaner sake eyns mochten tome ende komen. Darane don gy vns sunderich beuallent vnde dancklick to willen vnde willen id allewege vnmme Juwe leue gutlick vorschulden vnde mochten wy der vilgnanten Juwer leue, De wy gode, deme almechtigen, In langen gefunden froliken wolfart beualen, wedder worane to leffmode vnde willen syn. Deden wy van grunt vnnfzer herten willichliken gerne. Datum an vnnferm Slotte Kopenhauen, ame donredage nechst na exaltacionis Sancte crucis, anno etc. LXXVIII^o, vnder vnnfeme Secrete.

Der hochgebornn furstynnen, frouwen Dorothean, geboren van Brandenburg, wedewen, hartoginnen to Mekelenborg etc., vnfzer Besunderen leuen Sufter.

Nach dem Originale des Königl. Hausarchives.

94. Die Herzogin von Mecklenburg theilt das Schreiben der Königin von Dänemark dem Kurfürsten mit, am 13. October 1478.

Vnse frundlike denste vnd wes wü mehr leues vnd gudes vormogen mit Sufterliker leue to vorne. Hochgebornner furste, leue broder. De dorchluchtigefte hochgeborne furstinne, vrouwe dorothea, koniginne to dennemarcken etc., vnse leue Sufter, heft vns Juwent haluen gescreuen, So Juwe leue In desseme ereme hiringelechten breue wol vornemende werdt. Bidden wü sere andechtigen Juwe leue vns moge wedder schriuen de meininghe, wes wy er vor andwerde wedder schalen beualen. Wor ane wy Juw behaghen vnd to denste werden mogen, schal vns Juwe leue, de wy gade alemechtich salich vnd wolmogende to saligen langen beuelen, allewege darto gudwillich irfinden. Datum Swerin, ame auende beati Calixti pape, anno domini etc. LXXVIII^o, vnder vnfzem hertogen Magnusz.

Dorothea, van godes gnaden hertoginne to Mekelnborgh, furstinne to Wenden, Greuinne to zwerin, Rosztock vnd Stargarde etc., der lande vrouw. Deme hochgeborenn fursten, heren Albrechte, Marggreuen to Brandenburg, des hilgen romesschen rykes ertzekemerer vnd kurfursten, to Stettin, Pomeran etc., Borggreuen to norenberge, vnsem leuen brodere.

Nach dem Originale des Königl. Hausarchives.